

928
コ
4

攻
媿
集

五言古詩

今體詩

南山成

風塵連風



三十年来無此游地

下天高與屋厚萬里

魚躍而悠悠似此不

送胡適之

維來人樂於... 年長幸祝開誠此與知盡時



攻媿集卷十

宋

樓

鑰

撰

今體詩

南山廣莫軒

廣莫垂風隘九州亂山無數點平疇
一千里外在吾目三十年來無此游
地下天高俱歷歷鳶飛魚躍兩悠悠
昌黎費盡南山句曠望還能似此不

送趙至道節推

君來人幕恰三年我幸投閒識此賢
婉畫時時因事見

素風凜凜信家傳易林律本君須寄月窟天根語未圓
問訊難兄無恙否相忘千里各瀛壖

湖亭觀競渡

涵虛歌舞擁邦君兩兩龍舟來往頻閏月風光三月景
二分煙水八分人錦標贏得千人笑畫鼓敲殘一半春
薄暮游船分散去尙餘簫鼓繞湖濱

龍潭方丈

又因寒食此中來
牕戶虛明絕點埃
山裏春風無間斷
海棠開過棗棠開

弔僅老塔

僅老相從五十期
來瞻遺塔我心悲
當時舊話無人說
空有門前洗鉢池

夜攜家登南渡橋

幾過長橋下清宵
得意行風高
江水急
月上海潮生
空迴寒逾峭
更深境過清
扁舟難久駐
轉棹問歸程

題蘿月上人送鴻小樓

雨洗春山空翠新
登樓不見送鴻人
薜蘿清夜月依舊
無復新詩泣鬼神

贈于湖劉相士

自笑今年卦氣闌壯心銷盡鬢毛殘明知七十無多子
只問何時可掛冠

五月望月蝕歷家又言六月朔日蝕

閭巷夜爭呼相傳救望舒偶因雲暫破真似月之初孰
謂墓能瞎端知歷不疎太陽交蝕近試看更何如

題賀監李謫仙二像

不有風流賀季真更誰能識謫仙人金龜換酒今何在
相對畫圖如有神

斗酒澆詩動百篇鑑湖牛渚兩俱仙早知今日猶相對
不向稽山回酒船

病後戲作

河魚腹疾未全除一飯充飢不願餘縱有珍羞難下筯
真成頓頓食黃魚

枕上

不守庚申不坐禪老來觸事總悠然天明門外無來客
儘好蕭蕭聽雨眠

謝蔣行之送菊

秋老懷情儘自寬眼前只欠菊花團分來三徑雙株秀
先得重陽兩日看玉輦金輕無限態風高露冷不勝寒
幽人相對成清伴正爾落英供夕餐

廳事落成老母置酒喜而成詩

數椽增葺苟全時我愛吾廬喜得歸兒輩粗能勤父蠹
老天無不費心機年來每愧踰初望病裏尤知悟昨非
從此蕭然無一事但當日舞老萊衣

十月十七日夜

蠶蟲坯戶六經旬掣電驚雷若暮春震起昆蟲千百億

不知何處更容身

織錦綦盤

錦城巧女費心機織就一杯如許齊彷彿回文仍具體
縱橫方野若分畦爛柯未易供仙奕畫紙何須倩老妻
如欲拈綦輕且稱富求白象與烏犀

叔韶弟以退堂洪老詩來寄謝

不受人天供甘心樂隱居坐窮千里日笑擁一樓書攻
媿老無用退堂閒有餘相望可杭葦何日訪吾廬

寄題正卿通判可高亭

樟坡直上可高亭未見高亭祇見名想像豈能勝一覽
登臨安得快雙明大龍湫下聽雷吼白石岩頭看日生
咫尺好山隨杖屨自應老筆擅詩聲

中秋次從子涪韻

雨餘不見日西沈將謂中秋又作陰佳月忽開千里影
騷人滿慰一年心掃除宿翳風雖動滓穢太清雲尚深
坐待寒光誰會此阿咸爲我發微吟

楊花

杜門無緒看芳菲見說楊花滿路飛謝汝不隨人冷暖

因風翻舞到柴扉

送趙南仲丞溧水

不用忽忽恨別離版輿春晝綵衣隨往題斯立藍田壁
更訪清真溧上詩公事毋庸猜牙角鄰封真是和埧篋
日哦新句頻相寄明月清風慰所思

戲題龍眠馬性圖

狗子已知無佛性馬又何曾有性來伯樂若來休著眼
任他騏驥混鴛駘

它山

素蜺橫臥作雷吼日射細鱗銀雪光安得此身如白鷺
倏然終日在梅梁

過盡水禽竝野鳧風標惟許一春鉏可憐久立梅梁上
不爲谿光祇爲魚

小酌元衛弟聽雨

小閣臨流暑氣清藕花的的照人明移牀更近欄邊坐
要聽碁聲雜雨聲

瀟再往剡中念之尤切作詩寬之

剡縣不爲遠丞官勿謂卑鼓盆知愛重去國倍行遲堂

上森三老房中秀一兒加餐了官事莫賦悼亡詩

觀雲寄簡講師

蒼狗俄然又白衣來從何處去何歸無心出岫還歸去
莫向秋風說是非

過故家

團團桂樹擁簷牙舊日輕黃滿樹花惆悵秋清無一葉
空餘枯枿縋寒瓜

題從子決娛親

阿戎築屋爲娛親野草閒花日日新我奉版輿來舉酒

祈君親壽似夫人

丹桂

碧雲步陣紫金蕤風靜秋高千萬枝
嬌額塗黃元自好是誰深傳蜜臘脂

下元日暖甚夜風雨大作早微雪從子凜以醪
來

眼明喜見早醪醺
牕外風號集霰時
梅蕊已慙前臘破
芳心休用怨春遲
納涼除夜昨幾似見雪芭蕉今不疑
若使洛人真得此應須更詫百宜枝

送朱叔止守南劍

舍人簪筆舊甘泉家學相傳子姓賢
未羨夾河爲太守阿連剖竹向封川

樵李曾蜚剗劇聲
貳車仍贊虎頭城
朱轡小試承流手
要繼桐鄉循吏名

萬竹蟠山喉不乾
兩龍潛水氣猶寒
郡齋見說真圖畫
公退何妨一倚欄

下水上山腰帶州
人家無數起危樓
遨頭不用喧簫鼓
祇把清詩紀勝游

功如集
卷一
六
晉
枝
祈君親壽似夫人

丹桂

碧雲步陣紫金鞋風靜秋高千萬枝
嬌額塗黃元自好
是誰深傳蜜臙脂

下元日暖甚夜風雨大作早微雪從子凜以醪醑
來

眼明喜見早醪醑
臙外風號集霰時
梅蕊已慙前臘破
芳心休用怨春遲
納涼除夜昨
幾似見雪芭蕉今不疑
若使洛人真得此
應須更詫百宜枝

送朱叔止守南劍

舍人簪筆舊甘泉
家學相傳子姓賢
未羨夾河爲太守
阿連剖竹向封川

樵李曾蜚剗劇聲
貳車仍贊虎頭城
朱轡小試承流手
要繼桐鄉循吏名

萬竹蟠山喉不乾
兩龍潛水氣猶寒
郡齋見說真圖畫
公退何妨一倚欄

下水上山腰帶州
人家無數起危樓
遨頭不用喧簫鼓
祇把清詩紀勝游

同盟東下或西征老我惟知管送迎
祇恐政成登省戶未容歸騎向西城

名畫法書知幾編俸餘寧復計
求田摩挲贖買新文字歸滿米家書畫船

送杓孫隨侍上虞

阿斗生來十五年未曾一日去翁前
聞詩勿廢家庭問習吏仍求城旦
篇婚宦有涯真是幸巾箱所蓄要相傳
榮曷雖小性非魯口授詩書加愛憐

戲作

二子爲丞分越邑女兒隨壻過江南
笑言屋裏成岑寂匹似當初只住庵

諸瑩拜掃晚歸長汀

雨意早垂垂寒雲晚更低
空中時散點道上不成泥
綠柳桃相映黃花麥與齊
紆回餘百里喜見舊松隄

送朱季公守封川

韶陽生長十餘年城郭重經固宛然
歎息紫微仙去久尚餘遺墨照山川

先舍人居韶十四年季公生于壬戌

桐鄉漢有大司農封守今推陳秀公
君向邦人著遺愛

近追相業遠家風

陳秀公會守封川有遺愛

鄉評久說鴈行賢剖竹封川與劔川不用對牀風雨約

政成問取舊青氈

吾鄉棊社寢凋零賴有朱家好弟兄舉酒看看故人少

陽關莫唱斷腸聲

妙舞清歌有二姝後堂曾見繡羅襦嶺南太守風流勝

不用歸舟載綠珠

以玉蘭贈王習甫

一種香蘭玉色新仙家分得藥宮春調高韻勝誰能稱

付與能言解語人

華屋翬飛慶事縣芝蘭玉樹喜庭前似聞楚畹芽初茁
便看藍田生晚煙

送趙清臣宰姚江

玉立君家好弟兄藍田風采照花城版輿壽母人間盛

千里何曾去送迎

鄞江水與舜江通久矣威名滿一同試問何時到封部

數聲柔櫓一帆風

長江東去跨虹橋千丈橫隄捍海潮更向燭谿圖永利

坐令百里沸歌謠

才刃恢恢妙撥煩鄰封撫字尚何難更能觸事加長慮
自有甘棠向後看
歸家故步懶重尋藏拙年來恐不勝短棹有時乘興去
徑登竹所聽鳴琴

楊花

雨壓輕寒春較遲春深不見柳綿飛忽然飛入閒庭院
疑是故人何處歸
柳綿無數糝枝頭日暖隨風撲畫樓萬象可觀惟有雪

喜看晴晝滿空游

爲我輕攀綠柳枝帶花低護笑攜歸日長深院微風動
要看鬆綿當面飛
野芳庭草是生涯老去祇宜閒在家幾日惜春留不住
小糞爲我拾楊花

送王伯奮守筠陽

三槐名德萃清門七葉爲州賴有君道院無忘山谷賦
郡齋當繼潁濱文君應膝上憐文度我向東牀憶右軍
振起家聲差易耳便看奏最躡青雲

別王恭叔

兩兒雖近隔江湖賴有王郎慰寂寥遠侍雙親官道院
爲同盡室餞西橋脂脂遮眼最關念客路尋仙勿憚遙
別後飛緘問安否數來谷口訪山樵

別長女洵

老我年來百念輕文姬助我以琴鳴等閒相對成三弄
游戲俱彈似一聲舉酒不堪千里別登途知用幾程行
郡齋自是神仙窟會有堦庭玉樹生

趙資政園梅篆

小徑回環里許長寒梅森列間疎篁路如古繭紫繆篆
身似輕烟繚印香九折坂中經蜀險八盤嶺上趁朝忙
歸來游戲通幽處笑看危途幾太行

示從子

東院敲棋西院琴固知猶勝別勞心少年不比老癡叔
且向書牕惜寸陰

贈畫梅呂生

西湖處士賦疎影未似希真好樂章豈是無情甘澹泊
受他風月幾淒涼

浦自剡州寄水晶蒲萄

馬乳從他堆滿盤未如清嚼水晶寒固知一縣蒲萄熟
不用勞人數問安

送汪莊仲赴江東倉幕彊仲荆門簽判

不見適齋老于今三四秋弟兄登宦路親黨駐行舟老
病無詩思衰懷重別愁外家門戶盛勉力紹箕裘
外氏蒙恩厚文昌獨我知居慚酷似舅喜有寧馨兒遇
事行方便禔身謹護持公餘定多暇黃卷有餘師
早歲過秋浦貪程不入關君今參儉幕時得上齊山膚

使資關決賢侯伴宴閒好音頻寄我藉此一開顏

之子游何許平州更玉州山川稱勝絕幕府信風流翠

巘寒逾秀金蓮夜不收天涯念鄉國少上仲宣樓

見說荆門地如門蔽楚荆舊時爲內郡今日號邊城但

守平平策毋求赫赫名勉哉關決際從此振家聲

送元積弟赴淮東總屬

南徐來往飽經過總餉賓寮人禮羅子去幸陪鄒湛輩

君今還是伯休那金闈通籍時方可鐵甕名城景最多

我有淨名遺記在試從萬井訪維摩

十人兄弟五人存心事方欣得細論可但衰遲憐遠別
只因喜懼有慈尊倚門何止期吾子發策還知望好孫
從此三年風雨夜寂寥棊局與清樽

陳君舉既亡汪文子攜其所作春秋後傳及送行

詩來次韻

名盛望尤備枝披實亦繁無由究賢業猶幸立斯言書
在經逾顯人亡道更尊九京如可作與子共南轅

送趙伯藏倅永嘉

當代棹聞老吏師佳兒官業具而微已煩潘令宰花縣

正要王祥康海圻得助江山詩興逸平分風月羽觴揮
安車何日迎清獻又向堂前戲綵衣

分教分符恰五年異鄉每若故鄉然歸來幾作池塘夢
送別欲隨騶御仙目斷甘林應飽熟手栽藥實想芳鮮
邦人若問老州牧爲說清霜繞鬢邊

晝寢

彈徹悲風更廣陵滄浪一爲濯塵纓邯鄲枕上夢初覺
喜聽簷間風雨聲

喚仙閣

上到危層莫喚仙，纔凭橫檻挹江天。
江天如許來供眼，何用王喬更偃佺。

多少尋仙更不還，渺茫竟墮有無間。
使其真有毋庸喚，仙自層城我自山。

犯暑來登覽，松風爲洒然。
龍泉登古井，虹影臥中川。
萬簇寒林秀，四山秋色鮮。
詩翁不可見，況敢喚飛仙。

送趙晦之丞彭澤

淮甸歸來涉學深，孤雲又出亦何心。
公餘巖下讀書去，遠繼風流石橘林。

淵明事晉肯臣劉，仁傑忠良不附周。
見說三賢參羽士，

尉斯光

盍將吳簿配蘋羞。

南唐吳舉爲彭澤主簿，有高節，見六一集。

陶令居官八十日，始爲督郵方賦歸。
君家門戶要興起，未用飄然詠式微。

阿虞試晬戲作

阿虞匍匐晬盤中，事事都拏要學翁。
最是傳家清白處，不將雙手向頑銅。

贈別盧甥申之歸吳門

千里何妨命駕遲，晤言未厭已西馳。
子休重賦瓊瑰贈，

我亦懶歌親戚離好向清江論樂府更從葉子說新詩
樂閒引紙五十尺爲篆離騷繼李斯

又謝申之示詩卷

不見賢甥十一年新詩示我百餘篇古風已喜能行意
近體尤欣細屬聯宅相真成珠在側冷官休歎坐無氈
作詩勿謂今餘事更下功夫繼玉川

送秦仲防通判

清德曾瞻啓慶碑孫曾清更畏人知祗緣一介弗輕取
坐使斯民不忍欺瀨水家傳御書卦宣城手寫送行詩

典型尙繼金鑾舊馬氏一門誰白眉

題輿再到海東涯嗜學深于入幕時一字未通終不置
五行俱下尚嫌遲情親端有卜鄰意別後空勞望月思
老我無因可重見祝君來此擁旌麾

謝剡中沈元龍惠詩

東陽何事到東州百語曾無一語酬深羨松筠無敗葉
自言蒲柳已先秋千金旣覺成虛擲雙璧還驚又暗投
別後未知何日見但將吾道付滄洲

謝舒景叔寫照見贈

誰寫衰容入畫圖本來面目舊形模幾年老瘦鬢如雪
不道今吾非故吾

庭前一蓮著花

門外荷蓮浥露華綠雲平地擁秋霞病夫不耐出門去
且看庭前第一花

清月下鼓琴用淳韻

老穉團樂鯉在庭文姬爲鼓玉琴聲起來同作悲風曲
倍覺先秋月影清

國仲觀遷居尹噢訪別

晚年未定一枝巢到處蓋頭無把茅又欲浮家過尹噢
何殊樂道向莘郊君今去此難招隱老更從誰可定交
見說衡門臨野水秋深容我去推敲

仲觀有詩來謝次韻

危機屢見劔頭炊喜及挂冠神武時從此含藏三寸舌
算來插得幾張匙讀書牕下頻勤習攻媿庵中老住持
速辦小舟頻往返及今精力未全衰

謝王粹中惠白鶴山麟川觀斑竹杖竝竹輿

麟川仙館翠琅玕荷子攜來白鶴山未效葛陂龍種化

絕勝湘浦淚痕斑
裁爲拄杖一尋許
巧作乘輿四尺慳
兒子門生俱努力
病夫欲過虎谿還

曾無逸郎中名燕居曰和三續社有詩次韻

欲和會三

家以續雙林

通地通天祇箇中
千岐雖別大都同
兩家偶爾流傳盛
一貫臨之內外融
欲境掃開心在我
浮雲散盡月當空
感而通者後來語
不感須知自有通

老來

老來何以度光陰
祇有圍碁與鼓琴
碁爲心勞疎對局

琴因臂弱倦調音
曲肱時復同尼父
面壁何妨學少林
氣習未除祇自笑
又還弄筆動微吟

長生草

玻璃擢葉玉蟠根
千里提攜寄海濱
雨澤不霑仍自潤
土膏無著自長春
歲寒秀色鎮依舊
日暖素英能一新
我欲餌之求久視
恐君靈己不靈人

謝黃汝濟教授惠建茶竝惠山泉

幾年不泛浙西船
每憶林間訪惠泉
雅好誰如廣文老
親攜直到病夫前
細傾瓊液清如舊
更淪雲芽味始全

或問此為真品否其中自有石如拳

史子仁碧泚

相家小有四明山更葺桃源渺莽間四面樓臺相映發
一川烟水自彎環
中川累石勢嵯峨城上遙岑聳翠螺舊說夕陽無限好
此中最得夕陽多

題趙晞遠二畫

藻翻數尾已如生妙絕魚兒作隊行不是深知濠上趣
未應筆底得縱橫 魚扇

總前驚見一枝斜照眼英英十數花千載簡齋僊去後
何人更著好詩誇 墨梅

送陳表道倅岳陽

垂上青雲去如何乘貳車輕為千里別時寄幾行書
劇才無滯傳家學有餘當塗足知己應不費吹噓
聞說巴陵好樓高占古城湖光千頃白山色一螺明赤
壁沈沙戟蒼烟老樹精好詩收拾下寄我慰離情
元珍弟酌別賦此贈之

歸來十暑又三霜衰病那知謁帝傍採菊初期老陶令

種桃應是笑劉郎不辭白首登鼇禁正欲青衫及鴈行
今夕團欒同醉後未知何日駕歸航

靈芝寺

送客靈芝寺憑欄山有無自從朝北闕始得見西湖烟
外移輕槩波間浴野鳧清寒不可駐回首又神都

閻丘醫視脈曰老人之脈如小春有感

老去光陰似小春如何比得少年人君看桃李秋風後
縱有花開不是真

貢闈對硯盤發歎

老去未忘黃與朱琢成三硯樂閑居豈能更作諸生業
但欲頻看後世書視草北門才已盡持衡南省計尤疎
便須再挂衣冠去約汝同歸故草廬

次韻李孟達使君與林雪巢子季武詩

古梅巨石瞰清池觴詠曾陪老啓期別我遂成千古恨
傳家空有一篇詩使君尚爾悲陳迹處士惜非同此時
若使南樓預清賞胡牀應奉庾元規

玉堂早起

早起多奔走旬休亦往還偶因二士試始得一朝閒靈

鵲花枝上金魚荇帶間素餐終有媿只憶舊家山

贈徐松

我爲浮名媿引年老餘八十尚飄然不如合卻談天口
歸向白雲深處眠

經筵講詩徹章進詩

聖主承丕祚于今歲幾遷昭回光飾物剛健位乘乾善
治新更化當陽獨攬權誅鉏及共鯨擢任列闕顛曩日
方謀始宸心最急先未遑親政理首務闡經筵恭儉甘
卑室尊嚴拱細旃晝居勤已甚坐侍禮無前講徹詩三

百時逢運半千諸儒深誦說六義極摩研俯閱毛公傳
旁參鄭氏箋慨尋中古意重是素王編舊本三千首終
存十二篇雖遭煨燼厄所賴詠歌全開迹因農事安民
在井田成功時邁酌興業大明縣東國思平賦南山樂
得賢艱難由后稷勞來美周宣起自紹熙載迨茲嘉定
年關雎從肇彼殷武遂終焉寵數傳中旨恩光被邇聯
神文期繼踵元祐信齊肩內殿頒雲騎雕鞫錦韉茗
分龍焙品香拂御爐烟衆俊咸宣力孤生亦備員少時
曾學詠老去未忘筌納祿誠休矣歸耕久晏然鋒車俄

一日俄傾積別懷情厚夫君幾鮑叔愚如老我類高柴
他時戶冊高懸後直欲扁舟訪水涯

促召梓里謂登僊詞禁容揮翰天官命典銓豈知侵暮
境重得侍甘泉朽質何能報辱軀殆欲捐尚思求譎諫
海嶽效塵涓

題天竺珪老復菴

路從天竺更微南衲子邀余過復菴八法照人瞻睿藻
一峯當戶擁晴嵐奇爻初動玩義畫萬物竝觀師老聃
六用不成均此理楞嚴容我爲同參

爲倪正甫尚書題壯懷堂扁以詩來謝次韻

久矣君宜任弼諧果隨驛召上天階幾年不作相逢夢

一日俄傾積別懷情厚夫君幾鮑叔愚如老我類高柴
他時戶冊高懸後直欲扁舟訪水涯

攻媿集卷十一

宋

樓

鑰

撰

今體詩

送趙德老觀文東歸

趣還宗老侍經筵宿望訐謨信偉然引疾屢煩頒漢制
賦歸先已買吳船去年趨召叨同傳今日求閒媿著鞭
未得相隨出關去羨公徒御若登仙

往還不過酒三行成敗同觀碁一杯東海敢言成二老
西湖自足度餘生揭來便覺廢茲事歸去定須尋舊盟

攻媿集卷十

攻媿集卷十一

宋

樓

鑰

撰

今體詩

送趙德老觀文東歸

趣還宗老侍經筵宿望訐謨信偉然引疾屢煩頒漢制
賦歸先已買吳船去年趨召叨同傳今日求閒媿著鞭
未得相隨出關去羨公徒御若登仙

往還不過酒三行成敗同觀碁一杯東海敢言成二老
西湖自足度餘生揭來便覺廢茲事歸去定須尋舊盟

錦里錦坊秋色裏夢魂先已到江城

送倪正甫尚書守南徐

君如春柳我如松晚歲重逢意愈通日日公餘搜理窟
時時史暇樂談叢友朋罕有心相照兄弟惟應姓不同
此別未知何日見摻袪無語對西風

滿腔忠膜與嘉謨空洞他無一物餘有語莫非憂國志
欲行猶上薦賢書已欣勇退成清節更喜高眠卽故廬
廊廟須公經濟手不應斂惠向南徐

幾回去國向吳興出處雖高事不平茲以優恩臨北固

不妨禁直寓西清羨君決去行何速媿我求歸計未成
溯水東西又千里壯懷堂上未忘情

戲題十四弦

十四朱弦欲動時泛商流羽看瑤姬弦疏不隔如花面
聲急還同墮馬兒谿蟹霜餘縈密網簷蛛雨後理輕絲
曲終勸客杯無算一吐空喉醉不知

樞密新府

平生苦欲住山間每恨家居不傍山游倦忽來參宥密
公餘卻得對孱顏援琴萬壑自同響緩步一丘猶可攀

信美終非吾久處乞身惟待老鄉關

門號簽書府心存攻媿齋倚欄臨曲沼拄杖看懸崖槁

葉鳴輕雨殘山擁半階退公成吏隱足以暢幽懷

大雪趙振文寄詩言乘月泛舟清甚次韻

老我心知筆力衰頗欣臘雪瑞清時三茅奇觀亦難遇

白玉峯頭燈萬枝

萬玉真如搖珮琚梁園授簡屬相如莫嫌一水限吳越

兩岸交輝合太虛

雪光絕勝水銀銀未覺仙家隔一塵真境宜君著佳句

賞心樂事更良辰

見說中宵泛綵舟何人同賞大江流陽冰伯雪應為伴

更約禪人白道猷

舊聞老具擅詩聲夜泛錢塘向鳳城今日清游更豪逸

雪花和月帶潮生法具字圓復紹興初詩僧也有月夜游錢塘江詩云小舟為我載月色白

沙翠竹光相射自從李白下金陵四百年無此豪逸

酒邊戲作

未年六十已言歸七十重來自覺癡未報君恩歸未許

樽前羞聽摸魚兒

葉處士畫貂蟬喜神見惠

重煩妙手費丹鉛
貌出衰容信宛然
君看頭顱已如許
豈堪頭上著貂蟬

頃游龍井得一聯王伯齊同兒輩遊因足成之

路入風篁上翠微
老龍蟠井四山圍
水真綠淨不可唾
一作水從何來不知處
魚若空行無所依
勝處雖多終莫及
舊游誰在事皆非
祇今匏繫何由到
徒羨聯鑣帶月歸

海潮圖

錢塘佳月照青霄
壯觀仍看半夜潮
每恨形容無健筆

誰知收拾在生綃
蕩搖直恐三山沒
咫尺真成萬里遙
金闕崑嶠天尺五
海王自合日來朝

題施武子所藏醉白堂記 有序

醉白堂記相臺舊刻已不多
見施武子得太清樓所藏真蹟
一代奇寶也魏王尚友香山坡翁
詞翰兩絕畫錦故居昔嘗以假吏過其門巷恨
不一到其處太清圖書流傳至此撫卷無非可
歎者事至今日歎又不足為之慟哭可也

堂名醉白尚存不詞翰輝光射兩眸
天下曾除蘇氏學

禁中卻有太清樓舊碑于世已難見真蹟惟君乃得收
 感歎不堪衰淚落林慮山下水空流魏王以相州城中
 無水于林慮山引
 水入城貫第中
 溢為灌溉之利

謝雷季仲樞密惠社餅

寵分餅卷荷深情割肉烹鮮不厭精潭府始知嚴社祭
 衰門又得託侯鯖洗杯用薦逡巡酒下箸如餐骨董羹
 回首枌榆未能去欲隨秋燕問歸程

金剛 婁彥發參政八月二日壽詩有序

某伏承生申之旦正得秋而萬寶成真是一年

好處中秋佳月浙江大潮皆每歲所有芙蓉菊
 桂俱不復重陳今則實惟巖壑所誇一百省歲
 之時況值合宮大禮儲君受冊前星誕育昴宿
 凝祥相去只五日間賓僚惟公為舊學都省後
 堂祝壽之儀久不講此公首當之今又以慶朝
 按試鼓吹嚴更警場輒成唐律發樽前一粲

青宮冊寶盛朝章玉佩珠旒照日光儲案久資三善得
 生朝相去半旬強五千餘卷學尤富一百省年身更康
 都省先曾同舉酒貢闈最喜又傳觴易逢皓齒令歌曲

難值嚴更聽警場慶事方來真可卜祝公黃髮相虞唐

題孫谷橋墦間圖

墦間不足又之他猶自施施驕室家齊國一人如許爾
寧知後日事如麻

因知義利本殊途莫笑墦間乞祭徒正使往來多顯者
此中尤要著工夫

肆赦小雨

時章達之樞密在麗正樓上禮畢戲謂
余曰君雖長未免雨立歸途成小詩

端門宣赦樂欣然膏澤還應降九天始覺耳邊鳴槭槭
漸看笏上溜涓涓我班金闕闌干側君侍玉皇香案前

雨立固知同陛楯一言猶幸賴優旃

題桃源王少卿占山亭

納納乾坤一草亭西山盡見若秋屏霜餘遠水呈天碧
雨過遙空現帝青逸叟真成陶令隱高懷長似屈原醒
肯堂固賴賢孫子精爽猶疑尚有靈

題汪季路侍郎所藏吳道子天龍八部

妙絕天龍八部圖細看真不失錙銖聲名自足高千古
題品尤難遇二蘇旌旆冕旒猶可想鬼神人物亦何殊
君看坐位蘭亭草費盡工夫學得無

二蘇謂子
美子瞻也

謝顏樂閒篆離騷

樂閒下筆素推高
攻媿耽書老更饜
顧我好看秦小篆
煩君爲作楚離騷
晚年應悟成壩匾
痛飲猶堪寫鬱陶
喜劇但知藏十襲
瓊瑤無以報投桃

題徐聖可知縣所藏楊補之二畫

誰種疎梅古岸頭
推篷瞥見倍清幽
君看竹外一枝好
真有江南萬斛愁

梅花屢見筆如神
松竹寧知更逼真
百卉千華皆面友
歲寒祇見此三人

嵩岳圖 有序

先祖太師齊國公元符中知河南府登封縣建
炎兵燬先集故物煨燼無遺兒時猶及見揚州
伯父藏嵩山圖丹青僅存雖傳錄廿四峯詩以
生晚旣不逮事不知有石刻也張致遠爲京西
僚屬寄登封舊碑得之驚喜唐律爲謝

先世前蹤不可追
君從何處得全碑
上橫嵩岳三千丈
下列齊公廿四詩
室號揖仙懷舊事
菴名面壁認遺基
青甃真是吾家物
欲以瓊瑤厚報之

寫照葉處士求僧

幾年依樣畫葫蘆自作葫蘆學佛徒一筆從今勾斷了
一瓶一鉢任江湖

元日

歲當庚午旦庚寅最喜明朝遇上辛五福來臨吳越分
更欣三日即頌春

題郭恕先雪霽江行圖

妙絕丹青郭恕先幻成雪霽大江船沿流更飽輕帆舉
上水仍勞百丈牽捩施長年渾欲動寒帷佳客若將仙

侍親曾泛滄浪月猶記蘭成射策年

十八歲時侍先
太師行大江

寄題江西劉氏勤有齋

樸斲敷菑皆用勤况吾儒者務多聞萬書插架非關我
一卷入心方屬君為學從來無止法立身寧祇富多文
自憐習氣今猶在尚欲焚膏到夜分

書葛氏詩卷

詩有致仕心
閒適十首

未年六十蚤休官海角投閒儘自安一紀時容奉香火
七旬遂許掛衣冠重來深愧妨賢路此去終期保歲寒
三上封章歸未得葛家詩卷卻羞看

殿上聞杜鵑

衰晚三年侍玉墀高梧又擢鳳凰枝封章屢上未容去
更向殿頭聞子規

王伯齊染髭

垂髻相見舜江濱荏苒俄驚過五旬顧我頽齡真似葉
訝君長鬣亦如銀萬金安得神仙藥一笑重來舊日春
縱使星星還復出不妨時作少年人

乞出過傳法聞伯齊歸姚江

扶病還朝一秃翁重來寧免笑何公夢魂長是尋雲北

歸路何時向浙東深願聳身隨畫鷁空勞舉目送飛鴻
主人竹所終須到最憶東軒一枕風

行香聞杜鵑

牆西綠柳杜鵑聲我老何堪側耳聽我自賦歸歸不得
不須苦語更丁寧

送蔣甥若水使屬北行

曾爲假吏到燕山送子長征不作難故國能無歎禾黍
中原應欲覩衣冠黑甜軟飽宜加愛紅皺黃團正可觀
行矣勿爲兒女戀指期良月待君還

夜讀王承家縣丞詩編

向來深夜快揮犀不聽清談又許時淨洗昏眸急呼燭
為君讀盡一編詩

鍊句工深興味長固知家學富青箱莫言一嚮能嘗鼎
更欲為余傾錦囊

寒食

輔政無功日歉然佳時頒賚屢傳宣已蒙授粢仍分茗
既荷貽牟更擊鮮酒號流香盛寶榼燭然新火散青烟
兒孫不識君恩重但覓東宮賜劇錢

夫人攜家泛湖

三分春色二分休始見魚軒泛綠舟諸子侍行歡盡日
一翁獨坐淡于秋滿斟美酒應同醉是處名園為少畱
陰靄在前雷雨後特晴此日稱君游

即事

壯志摧頽貌亦衰豈知官舍傍巖隈此身不是京塵裏
飯了沿山看臘梅

劉寺即事

不到茲山二十年豈知重見舊山川烟深雖不見湖水

且看長空萬里天

飛泉何事仰空流無數明珠散不收
注輦昔時曾撒殿至今拋擲未曾休

漳發漕薦喜而成詩併勉杓

戊辰貢舉忝余知曾礙孫兒到省闈
欣汝今秋重預薦喜吾即日可言歸
門闈有慶人爭賀父子同登世所希
痴望十人俱上第坐令畫錦倍光輝

十月旦尚煖用夾公服二月初吉雪寒甚服單

尚煖先添夾方寒卻用單不惟春料峭
況值雪飛翻但

欲朝儀肅難求己分安衣囊如欲懶歸去老江干

從子淮過省寄伯中弟

我家伯父德餘輝吾弟風標具體微
七葉欣聞五爭奮四人先喜一雄飛
忍貧老尚甘簞食教子今方擢省闈
他日雙椿臨六桂麻衣俱換綠衣歸

贈僧文可往黃州建東坡寺

一坡久矣郡城東居士來游地望崇
問舍求田煩作計拈槌豎拂看談空
共分龐老沈江寶要奉僂州禿鬢翁
去作開山第一代燈燈相續到無窮

三月七日上賜牡丹並薔薇露勸酒

幾見牡丹東海涯暮年敢謂到京華
休論千品洛中譜驚看百枝天上花
況有八珍來禁苑更加雙楹賜流霞
闔門飽暖聊同醉稽首將何報宅家

史清翁談詩走筆次韻

公退門庭靜輕風輓絮毬故人驚
一見小酌散千憂西上不容久東歸
又別愁何當附舟尾從此遂歸休

以興安石阮底奇顏樂閒

興安樂石響于桐作阮猶堪繼
仲容茂苑樂閒真好事

爲君添起玉玲瓏

觀冷泉亭放水

冷泉淺濁使人愁開板黃波去不休
岸側細泉穿亂石始知別是一清流

贈蜀二史有序

紹熙四年蜀士李德秀甫登科求致其事以榮
親先帝詔從其請某時任西掖預草詞命今皇
帝策士蜀又有二人焉同姓史氏其一縣州司
戶天應與其子箕同登遂以身之官求封贈父

母其一成都府司戶公亮自陳素志晚得一官
亦爲此舉上益嘉之各特循從事郎致仕聖朝
孝治之盛十九年間見此三人坤維士風于是
尤振輒成唐律表贊喜之私仍寄后溪劉德修
老我挂冠慚復彈羨君登第遽休官幸哉有子事尤美
專以爲親人更難舊說三賢皆特操今看二士倍榮觀
同歸猶及襄陽老一舸清風廿四灘

題汪季路尙書所藏米元暉蔣山出雲

龍盤往昔名鍾山雲起從龍意自閉膚寸須臾成戴帽

坐看膏雨滿人間

九月十一日杓孫得男

郡齋弧矢記垂門今日衰翁更覺尊生晚不能瞻大父
年高卻喜見曾孫從今鏡鑷知無用但喜芝蘭近愈繁
願汝孳孳守家法爲傳衣鉢到仍昆

送叔韶弟宰華亭

試邑雲間事最多直將心力細礪磨固知三泖五茸勝
其奈千磨百孔何敏手未須施霹靂疲民正欲聽弦歌
規撫穩作三年計徐上青雲鬢未皤

又示從子澶

壯縣人歌第一奇過庭爲有寧馨兒親旁色養宜加謹
戶外分毫勿預知寓意杯觴須自節讀書松竹有餘師
他時刮目相期待連桂家風望一夔

寄叔韶弟

阿連試邑有成規誰謂雲間不可爲能使鑊湯偏滾處
直如官府大平時容容非欲後多福赫赫何如去見思
子路當年曾請益更須無倦以終之

朝退

謝事不得去趨朝愈更難誰憐八旬老日冒五更寒指
凍怯持笏腰酸強踞鞦韆細思誰縛汝只合挂衣冠

劉德修赴遂寧示和篇改除荆南復寄之

老矣思歸缺屢彈七旬望八合拋官我將東去計安出
君欲西還事亦難好向渚宮尋故蹟更從雄楚縱遐觀
上游正倚公爲重莫向蓬谿更上灘

李起宗舍人悠然亭

遠游蜀道歷艱難徑上甘泉豹尾間荷橐忽思辭北省
拂衣自喜見南山當時旁舍基猶在回首垂髫鬢已斑

先友碑陰盡陳迹寒空依舊濕煙鬢

伯中弟可休堂

夫婦老相對闔門貧甚安六兒俱力學一子幸仙官香
火祠初奉勲名鏡裏看更當聯五桂納祿尚何難

海棠

海棠昨日始萌芽一夜驚雷發萬葩老眼恍然何所得
凌雲庵外見桃花

海棠初發爲題詩倏見輕紅萬點吹已惜落英鋪滿地
更憐幾片罨蛛絲

後圃

春雨才晴氣已和暖風吹動百花窠絕憐玉屑如吾髮
綠者全稀白者多

贈熊道人

十載隱潭衡居然腑肺清枯禪參懶瓚老氣激彌明筆
底煙雲妙人間勢利輕款門俄告別江海一浮萍

借韻

題汪季路尚書所藏米元暉湖山瑞雪圖

筆力誰能似虎兒思陵親爲御珍題小臣不識湖山好
但欲扁舟泛剡谿

揚州瓊花

回憶靈根六十年秋深恨不見芳鮮茲從淮上來千里
非比人間聚八仙曾有畫圖稱小異諒應后土愛孤妍
或言天杖誠虛語榮悴中分亦偶然

題林宗魯校書所藏宣和御畫

周公多藝孔多能徽廟才高更倍增除却萬幾都不會
至今遺老話昭陵

贈別章茂獻尚書

我輩重來鬢已皤正元朝士苦無多才堪柱石猶歸去

奈此摧頽一老何

戲咏戎葵簇成芍藥

回首閒來婪尾春橫風吹盡已成塵戎葵簇就誰嘗巧
紅藥當前太逼真觀洵贈人迷冶子翻階得句誤詞臣
園丁妙手有如許猶勝隋園剪綵人

戲題膽瓶蕉

垂膽新發出汝窑滿中幾莢浸雲苗瓶非貯水無由罄
葉解流根自不凋露綴疑儲陶令粟風搖欲響許由瓢
相攜同到綠天下別是閩山一種蕉

午暑

炎官火傘罩中區
病老低垂氣不蘇
難學孫兒頻飲冷
時將冰水洗霜鬚

省宿

樹滿茅山綠正肥
昏鴉日日向南歸
如今身在三茅外
卻看歸鴉正北飛

水蕉

獵獵水芭蕉如將隱士招
清風來處遠溽暑坐中消
送楊晦叔提舉浙西竝寄陳表道

兩兩郎星映使星
老人星彩對晶明
褰帷共喜行畿甸
洗印仍欣就帝城
五馬況當恩始拜
三吳從此政尤清
便看瑞慶求稱壽
同聽嵩呼萬歲聲

八月四日晚霹靂碎大柳木

秋分雷自合收聲
白露明朝忽震霆
怪得坐中驚欲倒
鄰牆老柳碎中庭

靈光

魯邦宮殿久蕪荒
惟有靈光最久長
身似靈光終變幻
巋然別有一靈光

謝陸伯業通判示淮西小藁

四海詩名老放翁遺編俱在迹成空忽從淮右傳詩卷
近比劔南真父風暫向壺頭追馬援何當甫里訪龜蒙
江山爲助多佳句莫惜南來寄斷鴻

蕉菴清坐

薄晚歸來煙已蒼蠻蕉一葉障斜陽不須久住潭潭府
始覺山林興味長

蕉菴暮歸

綠蕉陰下遶斑衣飯了從容到夕暉老子才攜筇杖去

孫兒各捧竹團歸

病告

閉戶垂簾儘自如兀然終日擁紅爐得歸足可優游老
此地何堪養病軀

殿上侍立寒甚

小雪以來霜氣清今朝寒色倍嚴凝榻前侍立無遮障
吹得半身真是冰

齒落戲作

零落殘牙齒年來落欲空得魚惟食凍捨肉只餐葱休

憶紅綾餽難吞栗棘蓬何須如劔樹始解振宗風

重陽潭生日時年四十九矣

汝生四十九年春猶記雙親始得孫當慕知非過能寡
敢言學易道彌尊喜吾父子爲知己賴爾詩書遂滿門
但得團樂長似此年年黃菊醉清樽

范敘剛舍人示文正公象笏

千載威名文正公忽瞻遺笏照雙瞳敢從象齒窺清裁
屢批龍鱗奮大忠秉立定知端若柱至今猶想氣如虹
舍人接武登廊廟宜寶甘棠振祖風

送黃貞護道人住茅山贈以黑玉虎

少從黑虎谷中行晚得於菟玉琢成輟以贈君俱隱處
大茅峯頂看風生

贈凌一源道人

知君曾住武當山更解尋幽澗皖間老矣無緣窮勝處
但思歸去臥鄉關

謝滕宰彥可惠詩

與君相遇海東頭明月如何忽暗投自媿重來千歲鶴
永懷靜對五湖鷗新編不覺成三復妙思誠堪比四愁

還肯來遊鄒山否與君攜手上東樓

薊林雪中過峽圖

不土之里無言詩泛雪清圖事已非墨隱爲君傳舊跡
宛然興起剡谿西

賀監湖上

萬頃平湖一葦杭此歸喜似賀知章上恩賜與西湖曲
遂老吾家歸照堂
狂客歸來終好夸越王城下占烟霞此中信美非吾土
不似西湖是我家

攻媿集卷十二

宋

樓

鑰

撰

今體詩

殘月如新月

近晦月猶在蕭騷夜向晨已殘幾欲盡忽見恍如新老
桂沈清影餘輝鈿半輪纖纖兩頭玉皎皎一鉤銀明似
哉生際光疑太逼真妝樓誰起早深拜誤佳人

炙背俯晴軒

炙背情方適融霜日正暎何妨憑曲几相與俯晴軒愛

景欣亭午閒身得負暄映簷成白醉挾纈謝奇温豈止
寬寒色猶思奉至尊桃花滿肌骨佳句憶王孫

置酒沛宮

漢祖功成後時因過沛宮還鄉上心喜置酒故人同高
會延遺老酣歌和衆童窮歡新笑樂起舞舊英雄慷慨
悲遊子軒昂賦大風永爲湯沐邑何用築新豐

天寒割蜜房

場圃功初畢天寒樂歲穰山居收蜜課簷外割蜂房弱
羽依晴日纖腰怯曉霜鉛刀開戶牖棘七薦甘香作室

何時再趨衙未用忙百花辛苦處今日爲君嘗

黃知橘柚來

一舸放長江遙林底處黃自知來橘柚先已照滄浪綠
葉凝烟密金苞射日光相迎蒼縣雨暗識洞庭霜味詫
江陵種庭垂禹廟荒何如船上看數里更飛香

背水陣

十里當勅敵臨機事寢危葦山兵已遣背水陣尤奇前
澤書誠有行權我獨知正須投死地何用惜羣疑拔幟
終如約傳餐亦應期孫吳非紙上方略要從宜

鯤化爲鵬

鯤大幾千里揚鬣氣日增一時俄化羽萬古記爲鵬鱗
族疇能比龍門不足登天池將轉徙雲翼快飛騰怪矣
齊諸志壯哉莊叟稱鳶飛與魚躍曾不事誇矜

一月三捷

勇甚鷹揚將身從虎穴探六師心不二一月捷凡三戎
卒時非久邊庭戰已酣神戈窮逐北露布屢馳南貔旅
彌思奮狼心敢肆貪七旬有苗格較德可無慚

清泉潔塵襟

騷客事幽尋清泉一派深居然浮爽氣聊用潔塵襟
徹底明蒼翠澄波漾碧岑應添山澤趣盡滌市朝心洗耳
何妨聽吟詩更喜臨至哉天下樂穩坐讀書林

物色訪巖光

肥遯推巖子招賢仰漢光營求思舊學物色訪羣方聘
問期終得形容尚未忘羊裘方審識蒲乘遂搜揚不羨
雲臺繪還歸釣瀨傍高風今尙在江水與俱長

冀北馬羣空

冀北雖多馬知惟伯樂工祇因良種去便覺舉羣空遍

珍集 卷三 三 谷際岐校
視千蹄衆先收八駿雄漫聞餘布野無復見追風騏驎
方奔逸駑駘豈混同倘非承一顧鳴意孰能通

習馬長楊

強漢承平後兢兢武不忘整師臨五柞習馬向長楊冀
野來騏驎天閑出驪驤騰射熊館馳驟華山陽輦路
千蹄穩瑤池八駿良上方勤閱武願賦翰林章

飛泉漱鳴玉

翠巘幽深處飛泉觸石鳴跳珠無定態漱玉有餘情雨
落千尋溜風傳萬壑聲玲瓏鏗璧韻激濺破瓊英漢水

思遺佩滄浪想濯纓何須韓吏部聯句賦琮瑋

表兄陳安行遷右司仲兄遷大理丞余遷太府丞
舅氏適齋寄詩爲賀次韻

東塾談經歲月輕外家生長復何營王生此舅若無有
楊惲一書安得成首寄新詩欽厚意卻思往事念平生
當時更荷外祖母幼惠尤憐盛氏甥

爲親敢說宦情輕公退委蛇懶自營朝路一時偕寸進
適齋新句已先成圍師況復今同里武子非惟愛外生
舊日阿童今欲冠此恩更欲到彌甥

適齋挂冠次韻

致仕吾非不待年禮經自合許求田祗圖徑取衣冠挂
不願更尋香火緣富貴鼎來先避地是非叢處獨翩然
鄧峯相對兩真隱共仰元台爲大天
世事相牽無了期平生待足是何時拋官不作九閭夢
納祿尚餘三徑資紫綬金章寧復戀黃冠野服自相宜
耳根贏得長清淨理亂從今不用知

余初除西掖適齋惠詩以二甥相繼縉綸爲喜安
行表兄貽書喜溢于辭謹次韻爲謝竝屬安行

漕臺生處寢之牀叢桂還分一葉芳紅藥階邊懷老謝
桃花觀裏憶劉郎首煩賢舅書增喜想見慈親色更康
無忌安能真酷似願從外氏借餘光

敢謂封倫據此牀幸從科級紹餘芳紫薇繼直中書貴
叢桂猶爲同舍郎太史書傳得楊惲渭陽情厚爲秦康
外家宅相君餘事魚目何堪比夜光

余旬郡得婺適齋以詩相迎次韻

風際端宜鷁退飛青雲高處有危機屢遮西日成何事
幾向東風詠式微塞馬云何真是福鱸魚正不爲知幾

休論池上翩然舉且奉潘輿得賦歸

適齋約訪王卿正己已而中輟次韻

歸來親戚話通情準擬流光得再行已荷適齋容接武
敢從酌古遽渝盟烏衣門巷人非遠綠野樽罍計未成
官已得閒身未暇因仍恐或過清明

謝太守送雪次適齋韻

一冬祇見曉霜寒未得飛霏萬里看多謝黃堂贈圭璧
欲從乳竇倚欄杆簾高安有冰成柱坐久空餘水在盤
歲晚願呈三白瑞要觀積玉滿林端

清高閣觀雪次適齋韻

衝雪上層閣真成清且高主人風節峻坐客笑談豪泛
棹訪安道賦梅思水曹好因臆映夜痛飲讀離騷

真率會次適齋韻

喜奉潘輿得退身烏衣相會總情親樽前正好醉千日
林下何妨見兩人閒暇止應開口笑詼諧尤稱掇皮真
夜歸更作驚人語舅氏從來筆有神

楊聖可棊集余方歸自桃源不及預次適齋韻

屏處尤便野性慵故人何幸得相逢賦歸敢慕陶彭澤

自免猶希邴曼容
棊酒交歡情正洽
江山得助景方濃
嗟余誤入桃源去
歸路滿城聞晚鐘

汪達可招遊城園次適齋韻

城下名園稱老懷
乳鶯飛燕共低徊
寒梅送臘曾先到
嫩綠留春喜再來
眼底芳時能幾許
樓頭衙鼓漫相催
主人好事不嫌客
素壁揮毫又一回
滿架醱醺愜雅懷
更添林下紫徘徊
平湖不怕重門阻
勝賞何妨後日來
酒興已隨斜照遠
詩情無待片雲催
黃昏鼓棹欲歸去
望望烟林首重回

士穎弟作真率會次適齋韻

何羨祖希情好隆
朱陳累世意交通
舅甥巾屨頻相接
兄弟樽罍喜更同
參坐幸容攻媿子
主盟全賴適齋翁
日來愈得清閒趣
斗酒不妨時一中

弔王卿之喪次適齋韻

去歲同登百尺樓
相期春晚更重遊
舟藏大壑夜俄去
橋跨清溪花自流
五紀情親真是夢
四山風物總成愁
一朝千古尙何及
空使文皇嘆薛收

喜雨次適齋韻并呈郡守吳居甫

一早禱而雨此心天與通爲霖三日足起舞萬家同破
塊朝方爽翻盆夜正中隨車真響應巫覡又何功
洗印日無幾載芟春已移龍神來鄮嶺香炷蕪流陂自
是受塵許堪爲學稼遲洋洋添野水已足樂吾飢
雨師爭自效風伯尙何施膏澤由分閭空餐愧奉祠農
功今可濟水利更無隳喜雨無煩記行人口似碑

安行表兄除華文閣直學士奉祠次適齋韻爲賀
屢報銀臺給事中忽聞喚渡浙江東長安幸免手遮日
圓嶠莫嗟船引風廩繼真祠身暫逸班聯內閣眷方隆

且歸同伴適齋老便看鋒車召此翁

送安行表兄葬次適齋韻

深沈仙洞鎖神清萬壑松聲不似晴宿草他年空悵望
生芻今日寓精誠山川氣象渾如舊劍佩風吹儼若生
猶記玉音稱酷似始知無忌乃其甥

尋春次適齋韻

一自東皇天上來坐看芽蘗起枯荑化工潛有洪鈞轉
春事何勞疊鼓催晚景鬢凋寧再綠去年花謝又重開
賞花攜酒那容緩走遍郊原莫便回

曉來陌上雨班班同社相將便出關席地亦堪尋酒所得園徑與坐花間從教多病須行樂任是清貧也破慳門外紅塵深幾許誰人能得此身閒

次適齋韻十絕

休官

人生寧問草堂資乞得閒身且徑歸慚媿舅甥俱就隱
淡然相對兩忘機

發書

故人惟賴幾行書今日誰能更訪吾舊日熱心今就冷

向來已自得揶揄

見客

客至何妨送與迎門前羅雀亦人情可憐寒士猶相望
時有饑來柳絮輕

出謁

杜門卻掃寢多時閒傍人門亦漫爲茶竈筆牀烟浪去
自疑身是老天隨

赴會

此身未老已先閒到處時時盡醉還更欲相邀蓮社客

共尋精舍上孱顏

病起

老去情懷百不宜上樓腰腳覺舒遲適齋異稟人難及
病起精神略不衰

安心

但使心如水在槃坐令四體自然胖有人來問安心法
將汝心來爲汝安

讀書

佚老無如大字書聊將遮眼度三餘有時忠義忽相激

問遇包胥與子胥

染鬚

染鬚欲學少年時笑殺當年榮啓期公道世間惟此耳
年來猶幸不相欺

修養

聞道壺中別有天能將俄頃比千年千年俄頃俱成夢
只任天真卻晏然

同年鄭貴溫寺丞直華文閣致仕次適齋韻爲賀

先生久矣愛吾廬絕勝揚雄宅一區賸有珠宮來海石

不妨茅屋繞畦蔬來書已許尋前諾結社方將約並驅
更欲相邀預眞率車公豈可座間無

倦遊歸騎自吳門欲上封章叩帝閣俞旨肆頒旌素節
華文進直示優恩淵明妙句羣賢和疏傳佳名萬古存
加我數年祈謝事此心難與俗人論

次適齋韻四絕

初得曾孫女

外子惟知媿可攻羨公八十未衰癯曾孫喜見新文祿
尙想當年擲鏡翁

茉莉花

江南創見喜孤芳見說閩花徧海鄉安得一居香盛處
帳中巧作寶毬妝

從子澡滌築居荷池上

樓臺牆宇家家月楊柳荷花處處風最喜兩涯相映帶
一時倒影入池中

山亭納涼

不嫌西照爲朝曦城郭誰知住翠微天幸外門纔咫尺
欲陪杖履夜忘歸

次適齋韻五首

山行野老問年

田夫笑把褐衣牽莫問壺中別有天齒髮雖殘渾未覺
精神愈勝果何緣公言已老偶能爾我本無心只自然
再禱百分纔及一定因椿壽八千年

堅鄭貴溫棊社

二公休致我來歸儘可同裁隱士衣此已屢謀登竹所
君其無吝造城扉人間厭見手翻覆樂處須當頤指揮
涼氣一新宜近酒盞簪莫似向來稀

秋涼有感

公看魚躍與鳶飛鶴脛雖長斷則悲世事不容人苦較
秋風自有葉先知青奴難免交新絕素扇寧須手自持
宋玉賦篇終未達不如老子笑成詩

諭悲秋者

黃雲萬頃一時收喜見高空風露秋歲事及今將告畢
人生到老盍歸休固知景物能興感亦有痴人苦過憂
胸次果然無一累豈容秋月使人愁

舅甥賡酬之樂

神明未覺晉公衰老母尤忻兄弟怡范甯王忱無許壽
牢之無忌不聞詩秋風對酒勸酬處夜月乘橋來往時
但要兩家同此適不須更遣外人知

八月十四夜攜家泛月次適齋韻

月到平湖金作波一城惟此占秋多水晶宮裏清無比
何用重登漢馭娑

九秋風月正分平盛滿水晶分外明老子此行端不惡
夜深幾得聖之清

稍先一日是中秋行徧芙蓉與菊洲作意安排卻非適

不如乘興徑行舟

猶記年時看水嬉不如此夜月相宜仙翁一醉非塵世
爲問姮娥知未知

草草真成一段奇比鄰非不借餘輝板輿何敢侵風露
略望簷間且勸歸

次適齋韻十首

懶學仙家煉火還但欣晚節在林間駕行免奏三千牘
駑駕難參十二閑短艇有時浮綠水輕輿到處賞佳山
莫言冷淡爲生活冷淡終然無後艱

秋來病體費支吾深閉柴門臥草廬藥裏多尋醫者問
酒樽寢與故人疎特須勉強陪來客未免辛勤答遠書
此外儒生真氣習簡編猶欲趁三餘

大率舟行岸自移機緘何必更相思雨餘坐見水三尺
雲淨喜看天四垂荷沼已殘霜後葢桂林初綻日邊枝
閒中氣味深長甚問卻西風總不知

幸堪擊壤樂清時衰病情懷百不宜祇好灌畦陪漢叟
更欣學圃慕樊遲逢人草草須傾酒得韻忽忽且和詩
琴意高低猶自適高山流水久心知

甥舅相尋向酒邊相忘情話更怡然人言難遇雙延閣
自媿叨聯兩大天只覺光陰詩裏過何妨枕簟醉時眠
此中別有真消息莫爲人間醒者傳

從來憂道不憂貧晚向閒中得此身直把宦途如夢過
任他世事似碁新坐間可說舊時話眼底幸多同社人
賡唱本求閒燕樂莫誇末路費精神

自憐鶴髮奉慈親舅氏還欣託比鄰已向雲間收倦翼
甘從波底作潛鱗果然松菊連三徑誰謂神仙隔一塵
野服相從成一叟不須更現宰官身

笑他咄咄向空書既老投閒計未疎釜裏有魚長自足
門前無雀是吾居休論仙子生塵襪莫問高軒織翠裾
百念已如灰樣冷更無驕色與人鋤

秋宵坐到玉繩低歷歷明蟾數桂枝重露半翻蕉葉徑
好風時颭荳花籬不妨起舞弄清影何用撞鐘誇小詩
濁酒困人垂欲睡更揩病眼一揚眉

秋到先生舊草堂涼飈林葉已飄黃漸看天宇清霜肅
更覺人家白晝長歷世已經三折臂坐愁何必九迴腸
世間舊事消磨盡祇有詩情未遽忘

客省中次適齋韻

三年此日綺筵開盛意勤拳不待催豫約行人須已集
先欣數客肯俱來詩筒纔到先賡韻酒興方濃莫算杯
更欲秋深窮勝跡鄒枚後乘可容陪

花若開時定自開芳心深靚不容催上人又有新詩出
佳客應尋舊雨來樓上已聞香撲鼻堂前儘放酒盈杯
高燒銀燭照花睡便到更深亦願陪

定數無過偶與奇達人循順更安時不予椿菌量長短
豈爲彭殤較疾遲雖是一時身有疾行開九秩壽無期

外生六十頭先白杖履相從最得宜

戲和適齋絕句三首

脫索

纏縛千遭趁酒巡環觀巧手競稱神莫言名利如韃鎖
猛烈抽身亦在人

藏摩

儘教逞技儘多般畢竟甘心受面謾解把人間等嬉戲
不妨笑與大家看

傀儡

假合陰陽有此身使形全在氣和神王家幻戲猶堅固
線索休時尙木人

晝寢正酣適齋以二十韻詩來亟爲次韻

老氏正求知我希吾今老矣更何之極知仕宦皆由命
縱有功名已過時覽鏡形容寧復我還鄉交友定從誰
慈親多幸方難老舅氏猶欣未覺衰教誨至今仍似舊
襟期暗合自相知新詩必使篇篇和勝地還容處處隨
晝永劇談俱喜聽夜深清坐更忘疲素欽行己初無玷
願學持心不自欺紫橐清班叨預列黃金橫帶忝同垂

六旬顧我猶加懶八秩如公尙自持但仰三尊知共慶
孰云十拗敢輕嗤無情到此方爲達省病從他不用治
世事只將同蝶夢人生幾得見雞皮觀書自識非求解
策杖徐行莫厭遲儉素何妨貧勝富優游真是樂忘飢
雖然調樂無千指儘喜當歌有十眉報謁要須親自到
赴筵直以散爲期醉翁雅意非謀醉棊社清歡豈爲棊
白髮只宜甘散誕紅塵任彼自奔馳安輿來往常陪伴
此意終身誓不移

次適齋贈少微兄韻

汪樓比屋古城隅彼此清貧不願餘南阮諸賢今有幾
東牀佳婿竟誰如歸鄉年亦非全老對酒情猶未覺疎
來往兩家無倦色此身端合老犁鋤

桂花方開約客次適齋韻

久疑岩桂儘遲開留待來朝伴舉杯老去欲尋千日醉
客來同引百花醅況臨高閣枝枝秀好判閒身日日陪
家釀盡傾君不惜莫教瓶罄恥爲囂

蔣德尙棊會展日次適齋韻

棊社經年能幾回身閒深幸屢參陪一旬又見朋簪集

三徑還應聽履開，休苦索居徒面壁。何如相遇且銜杯，雖由藥裹寬初約，不得重尋舊雨來。

太上皇帝聖體清康，老母進封信安郡太夫人。適齋除敷文閣學士，有詩爲賀次韻。

清朝孝治古無倫，通籍推恩總及親。八秩升班惟二老，九齡拜命更何人。春初慶席歡猶在，歲晚宸綸喜共新。須信長年多富貴，祇因同見會昌春。

吾母年高絕等倫，痴兒何幸得榮親。九重錫類真千載，八座承恩只一人。共仰外門流慶遠，喜同介弟寵光新。

兩家盛事人爭賀，和氣薰爲臘裏春。

題曉上人閒靜軒次適齋韻

我居城郭子居山，兩地相望數里間。我已得閒猶未靜，子雖處靜不曾閒。莫將花與夢相似，只用心如石樣頑。要識箇中真信息，孤雲僧事兩相關。

次適齋韻十首

碁會

歸來鄉曲大家閒，同社仍欣取友端。無事銜杯何不可，有時會面亦良難。少曾環坐坐常滿，賴有主盟盟未寒。

琴奕相尋詩間作笑談終日有餘歡

老態

舅甥身退不爲遲肥遯猶當未老時東晉雖慚古元亮
晚唐知慕老天隨公開九秩身方健我甫六旬心已疲
不敢自言成酷似腹心惟喜兩相知

晨朝懶起

坐見一翁兩鬢皤只羸曉夢到無何臆涼風透眞成適
日出事生還更多足弱已難堪蠟屐齒搖初不爲鄰梭
回思螭陛班心處日日奔趨向馭娑

見客

車轍常多長者臨相過肯笑席門深寒暄固有三分話
臭味還傾一寸心客至自應閒不厭年來寢覺老難禁
應酬旣了無餘事面壁何妨學少林

晝寢

才盡甘爲世所捐不如高臥了餘年時逢毀譽心無諍
間有詩文手自編老去已知身是夢閒來更得酒中天
簾深午寂渾無念只與白鷗相對眠

喜閒

投閒時以醉爲鄉人既相忘我亦忘雨足已期南畝熟
風清更愛北牕涼晝觀碧落雲千疊夜看中庭月一方
時撫素琴聊自遣誰能更作鳳求凰

杜陵鄭老共襟期門外紅塵勿預知近日頗荒攻媿課
多時不見適齋詩竹深荷靜相留處月白風清偶會時
地僻衣裳俱自懶黃冠野服淡相宜

讀香山詩

詩到香山不計篇相逢佳處輒欣然明知無子可傳業
每遇爲文自入編舉世慕名多諷誦惟公著句得純全

胸中相似詩方似一等不爲名利牽

卽事

旋插杉枝徹曉曦緩搖輕箒自融怡調琴不用求成曲
得句何須湊作詩無復趨炎同襪襪但能尋睡學希夷
太倉日糴五升米老矣不嫌人更嗤

西山

兩岸杉松翠蔭長輕輿連日得徜徉絕憐林下朝還暮
不問人間炎與涼睡起閒情方自樂齋餘歸路未須忙
何時更向月溪去願著青鞋走侍旁

燕居

大老今居東海濱
燕居晚歲更申申
外生但喜長依教
一笑相從莫問貧
閒裏只將詩作活
酒邊猶有筆如神
乞言授几俱休論
且做羲皇以上人

子成兄年八十六
史子久八十二
舅氏八十八會

于適齋次適齋韻二絕

堂中三壽喜同時
黃髮相逢齒更兒
參坐共談宣政舊
風流不許後生知

閭里舊遊能幾人
適齋猶有筆如神
莫言二老升沈異

各現宰官居士身

第 35311 号

平成 3.11.22

聖和学
園短大
図書館

928

コ

4

攻媿集卷十二

攻媿集

卷十二

三
谷際岐校

号	1418	第
SS	11	卷
		第
		大
		第

趙

